

遂  
初  
堂  
詩  
集

遂初堂詩集卷之二

少遊草

縣上

忌坂尋何處層巒曉勢分急風翻野燒清露冷鴉羣有  
母甘逃祿無龍可入雲如何不歸去隱矣更焉文

豫讓橋

昔讀刺客傳豫子實報主微哉政與軻氣矜豈其侶癘  
啞變音容不變者心膂塗厠跡已竒伏橋心愈苦無言  
功不成斬衣血濡縷至今官道傍石梁橫撐拄風水聲  
酸嘶如聽忠魂語男兒七尺軀捐之患無所襲子豈不

賢智氏早知女國士恩已淡誰能避膏斧所以節槩人有身未輕許

韓忠定祠

明祚三百年壞之三閭孽中葉當武宗逆瑾禍尤烈空朝暗無聲尚書特奮舌首請假尚方願命陳憤切至今諫草存字字凝丹血空拳拔虎牙掣項旋見齧削霜怒未已檻車遭刺剝清吟謫獄中雅量何其達正氣所磅礴宵小焉得殺卒傾朝陽光坐待蟬螻滅嗚呼正德朝惟公數完節西涯信工文婉婉腸內熱我來瞻崇祠英爽動鬢髮千秋太嶽峰高名與之揭載詠去婦篇涼風

助悲咽

尚書去位空同  
爲作去婦詞

紅葉

汾州東岸霍山西照眼邨邨柿葉齊  
亂紫欲然浚覆屋  
疎紅不落故臨溪  
坐披圖畫食樵徑行踏霜華戀馬蹄  
風雨重陽莫狼籍  
忍教秋色便成泥

遊霍麓廣勝寺觀霍泉

栢作屏風水作簾  
浮圖倒影碧纖纖  
秋光輸與枯僧得  
詩興都從野寺添  
帝返瑤池封造父  
天畱石柳葬飛廉  
林嵐密處樵踪在  
恐有高人學豹潛

望霍

太行連綿亘河朔別峰突起亦名嶽尊朝白帝張一辰  
高柱青天生衆角陽岡晦作下方雨陰壑凍埋何代甍  
苔花錦石秋班班落木寒泉澗濯濯騎鶴仙人清夜遊  
月明髣髴聞天樂巖房赤箭無人收松下茯苓晚堪斲  
浪遊五年無一成鍊骨有丹何不學便佩真形棲絕巔  
夜半天雞聽伊喔

子夏祠

有墓在祠後

孔轍不到晉西河遺澤長身兼領文學門許拜侯王駐  
馬祠雲白看碑墓草荒髻年受詩序不敢薄毛萇

龍門八首

入塞黃河七曲餘急將東海作歸墟誰開壘嶂遙相引  
早束雙崖鬱不舒吼峽風霆千古鬪排天日月往來虛  
巉巖直到龍門盡快意奔流一放初

峽口雙峰相對開衝波日夜走轟雷雪消春卷桃花至  
雨霽秋兼瀑布來勢奪一門推壁轉聲驅萬象觸龍厓  
只今十月濤痕落塞岸水澌亦壯哉

此下何山可截流陸沈真恐及神州平吞砥柱魚鼉橫  
直掃金隄版鋪愁變化須經三級浪飛騰合送一歸舟  
不貪別是神龍性肯爲明珠上釣鈎

陰森禹廟蒼巖裏老栢虬身鐵作枝露宿枕流聞戰鼓

雲行拂水見靈旗鑿開地肺經營定驅走神工跡象疑  
萬古殺湍誰竝績响嘯風雪護殘碑

臨思高閣靄氤氳對面層山小語聞五老星標晴竝拱  
三峰仙掌碧微分汲河修綆穿虛閣渡馬方舟掠晚曛  
縹緲御風身可上清都吾欲返仙羣

捫蘿側足傍河行峭壁轟岩削不成藥鼎細承丹乳滴  
香爐倒掛紫芝生浚通壺口篙師險下瞰盤渦木客驚  
清嘯一聲山四答愀然喚起螭龍鳴

秦關晉塞風蒼蒼濯足洪流凌八荒正憶馬遷史筆健  
生來耕牧河山陽涕零千載美人絕目斷片雲歸路長

安得枯槎著波面高探月窟攀扶桑  
并州爲客三年久苦欲東還更向西  
未到此山詩總弱續遊他夜夢休迷  
振衣霄漢悲人世側耳邊城厭鼓聲  
百尺枯桐根不死無枝彩鳳欲安棲

西泠展墓二首

三尺蓬科幾樹梅梅根碧血總成苔  
春山雨露僧時到畫角昏黃鶴一來  
入夢有人迷北海招魂無地哭西臺  
鷓夷未化錢塘水莫怪潮聲夜夜雷

麥飯椒漿拜草間相看應怪我蒼顏  
休疑陸弟曾如洛爲報梁童已出關  
將母歸來無舊業藏書到處有名山



西征賦就何人賞  
焚向東風血淚班

贈杜于皇

男兒無家復無國  
六合飄然一孤客  
客行落落雲出岑  
其去無跡來無心  
山水佳處便淹泊  
偶然相遇不可尋  
黃岡先生古豪士  
胸吞雲夢八千里  
神鷹鍛翮不得飛  
丹霄碧海將安歸  
三十年來泛江舸  
大塊無塵能著我  
商山須翳大澤裘  
遊戲人間無不可  
往年訪友揚州城  
州人喧呼看歲星  
如雲冠蓋趨門庭  
先生酣眠醉不醒  
醒來洗眼焦山青  
金焦如螺意不快  
一葉翩然下江瀨  
青丘方壺不可期  
白龍赤鯉遙相待  
我亦汗漫之遐方

束髮結交多老蒼，惟翁差池未識面。  
江雲關樹空相望，錫山葉蠡湖朗散步。  
禪房見邛杖，怪來避地已經年。  
笑我勞勞逐塵鞅，昆明劫火方洞然。  
老鰲拊山波接天，土偶桃人莫相笑。  
久客會有還山年，先生無事但冥眠。  
大瓢滿酌清冷泉，君不見君家杜陵喪家者。  
茅屋秋風淚盈把，揮淚高歌洗兵馬。

烈士行贈趙義菴

義菴汴宋裔，孫也爲人精悍勤敏。  
京口顧侍御奇重之，侍御以事見法。  
義菴獨身入都，經紀其喪，脫兩孤於厄。  
有古烈士風，余與侍御弟交舊，因識義菴。  
今秋

重遇之金閭悲其老大連寒而高節罕有聞於人遂  
爲歌以敘之

寶刀削葵馬守戶當今烈士賤如土舉頭不識趙王孫  
空向陳編弔嬰杵王孫二十逢亂離才高膽盛無人知  
江東顧榮目如電一豹賤却千羊皮玳簪珠履正雜沓  
王孫落落無他奇邛嶽坂上高車覆御史門前烏夜哭  
三千上客散如星義故兒郎抱頭伏可憐端正騎羊子  
鞭笞蹴蹋奚官裏白楸三寸無人收骨肉倉黃竄荆杞  
王孫此時氣拂雲赤手直入磨牙羣陳容甘共滅洪死  
習脂不畏曹瞞噴精誠貫日智畧轅抱還孤兒如有神

潛藏撫馭麟種存丁寧莫遣家人聞  
沉吟此事甘寒暑  
中郎墳上蒿如柱王孫落魄尚關河  
失路驛驢老無主  
昔年遇君清淮流今春遇君燕市頭  
苦言奔馳不稱意  
一官束體如贅旒蘇臺何意仍相值  
短鬢尊前淚雙滴  
匏瓜在地根在天黃楊一悶一回厄  
吁嗟萬事如驚波  
翻雲覆雨何其多褚淵封侯王粲死  
如君豈得辭輶軻  
蕭蕭涼雨胥江暮題詩別有傷神處  
江頭不見酒家傭  
瀚海羝羊何日乳

九日同惠元龍家雙南兄登瑞光寺塔三首

好友佳辰會面艱  
高高鈴塔共躋攀  
閭門涼色侵遙海

綺里秋陰逼晚山，楓葉數邨他日臥。尊絲滿地幾人還。  
江、鄉風景元清美，何事長年薄笨間。

江干昨夜羽書催，江面戈船迤邐開。虜巢靜吹霜氣徹，  
橐駝高卷塞塵來。一千里外無巢燕，三十年前有劫灰。  
未卜花源堪徙宅，且貪佛日共銜杯。

茲辰茲地非難得，相見相攜苦不常。卻憶往年同二老，

曾於蕭寺過重陽。

辛亥九日同閩古寺，  
傳青主飲太原新寺。崛巒松短，青牛

臥芒碭雲，浚白豹藏懷。舊感時沈醉，好不妨倒載笑人。  
狂

贈鄧孝威

中古富藝文淵海浩無際  
昭明曠代才刪纂功不細  
一斧削羣材屹然樹凡例  
居繁有偷嘗在美能割置  
獨成一家規妙取寸心契  
爾後八代遙纂言亦相次  
精嚴縱遜古出入竝如志  
輓近文彌衰選事亦滋弊  
高官枉凌歷盛名見牽綴  
汗青須有資嫌怨亦頗避  
事類入市賈情同出疆贄  
雅道遂榛蕪識者一歎慨  
鄧君文章老才力本雄遠  
激昂討風騷蒼翠存篋笥  
鍾鐸賞奇音滯澠別真味  
清明大冢宰刻覈老獄吏  
獨柄無旁撓擺落名與位  
高眠文選樓樂飢以卒歲  
抗手對蕭君雅道庶無媿  
嗚呼三十年詞客如羹沸  
賴君刈蕭蒿杜蘭吐香氣

侯蟲各鳴時變風聖不廢輜軒或采陳燭龍照荒裔

贈程穆侍

蕭條戎馬餘文武道同盡我我刃人居劫灰蕩無燼劍  
鋒劍琬琰甲札裹金粉毫毛落人間光怪鬱不泯博物  
推斯人考古得精蘊身是永嘉遺故物生嗟愍懸購傾  
高資積穉漸成困虎頭通靈畫稷帖不損本秦權制離  
奇漢釜狀窘蝨癖嗜同昌陽捷攪過鷹隼富向公侯詫  
顛遭妻孥哂得意書八分妙接中郎軫篆刻窮神奇變  
化入無朕食氣遂古前自然脫凡近駒隙無畱光浮華  
等朝菌毫翰有至性窮達莫能損但令吾道尊孰問龍

與蚓

同惠元龍集顧懿樸齋

訪舊之西山山澗故人遠十里落梅風吹我布輿轉行  
行金闕城良覲忽然展與子別清淮三秋桂華晚身隨  
紫塞雲遠度羊腸阪何幸對家山促膝申悃歎更有同  
懷人意氣篤嵇阮入林如有待以余能白眼高齋延羣  
英清夜飛急璣道故與敘新歡餘感不淺丈夫六合中  
落落晨星散一氣膠結之風雲與舒卷願以青松枝暎  
茲白玉益明明久要心千秋庶能踐

渡沂



客苦何時畢衝寒復渡沂流漸遙駭馬霜氣忽纏衣暮  
節風物緊早行徒侶稀昔賢饒逸興春日詠而歸

擊柝

不曉淅冬夜無眠獨客情暗窓通雪色枯樹助風聲覆  
足裘時引溫顏酒斝傾如聞山路險擊柝戒宵行

山行

病樹黃霜後殘山黑燒餘雲寒時著面石險每當車歲  
序行將改吾生信所如王通不用世猶草太平書

蒙山

東蒙山色靜逶迤馬上迎看面面奇日出紫煙朝北斗

雪晴寒翠浴靈芝嵌崖苔茗叢叢結覆洞簾泉冉冉垂  
閱徧紅塵來去客羽衣扶杖立多時

徂徠

徂徠秀欲掩云亭巧與天門設畫屏不削峰顏皆瘦拔  
非煙壁色自空青仙翁避世聊耽酒處士逃名且授經  
客夢何緣落塵土竹溪無恙月清冷

岱岳

壘壑摩空積翠蟠連岡到海夕陰寬尊臨南面開丹扈  
秀壓東垂聳玉冠松磴曲盤雲氣出簾屏高掛瀑泉寒  
真形面面圖難似合共仙人倒影看

少小每尋應劭記平生苦愛李斯碑行經嶽麓窮攀踐  
坐對天門悵夢思玉檢百函吾異代蒼煙九點客何之  
未須日觀中宵立愁見人間出日遲

讌集李湘北太史齋作四首

丹壑無凡草鄧林無凡材雲夢不大獵神鷹孰爲來薊  
門十二月疾風卷枯荻雪壓袁生廬停午門不開豈無  
金張第彈絃酌金疊坐客非吾曹驅驢行却回李公歲  
星客大隱依蘭臺相士得其真結歡忘形骸飛書及蓬  
謁一尊共徘徊

徘徊阿閣中風物自清美堆牀無別物萬軸圖與史聞

與天下士十年共讀此所以張茂先博綜世無比我欲  
賦三都編陋方自恥秘書乃在茲窺讀難已已會傾  
鼠腹一汲滄溟水

應劉客曹氏齷齪氣不揚元規甯南樓索莫無文章何  
如管公明三升膽堅剛廣坐談天人子春相頡頏知音  
曠代稀嘉會故不常今夕復何夕共登君子堂不以垂  
魚貴而容脫帽狂豁達露肝膽四坐慨以慷興言各成  
文促膝傾羽觴明明金臺月此歡亮難忘

巢湖浩決滂吞吐三江潮盤礴生人文虎臥而龍跳頃

失尚書公

謂翼  
緒殺

布衣倏不驕大雅會有屬珠盤君所操

遂初堂集

少遊草

卷下

十

交乃道素合文因興會超落筆掃煙霞  
天半橫斗杓流傳康樂詠西山竝岌  
堯續遊須蠟屐及此雪未消賦詩  
刻巖屏千載追風標

酬鄭文起

鄭子抱素質性乃耽風雅何處記相逢  
夜雨滴蘭若銘公今支遁風調最瀟灑  
君非拔俗人那得到蓮社以此時念君  
清夢松林下紛紜長安陌黃塵沒車  
輶何期簞笠間復值同懷者顧我道力  
微憐君俗情寡攬衣話桑麻翛然在  
田野積雪霽城樓長天淨如寫回首懷  
東林折麻坐盈把

送朱人遠南歸

雪壓盧溝橋水澌白溝渡手攀枯楊枝驅馬送君去君  
來幾日席未安歸夢忽挂江南山并刀剪卻亂絲緒丈  
夫不作兒女顏南屏峰高見東海萬松陰中草堂在讀  
書須讀經世書莫漫雕蟲事文采黃鶴飛疾駕鷺遲路  
長羽短不能追臨行贈我雙玉玦何以報之錦障泥

送顧季貞南還二首

四海論心得幾人可堪袞袞在征塵金莖不解相如渴  
珠履先愁趙壹貧出谷幽蘭香未沫窺籠獨鶴性難馴  
看花漫道長安好雪角霜笳過一春

未荒三徑復何求如此羊腸歸去休世事豈宜開口論  
名山只合臥時遊纔爲國色知難嫁信是隋珠肯浪投  
北固鱸魚春正美憑君相待共垂釣

送程然明歸里

知君才藻匹應徐作賦名高入洛初倒屣便爲東閣客  
焚膏真寫北堂書太行雲色悲遊子錦里風花憶故廬  
漫道五侯鯖味好淞江還有細鱗魚

送人之官鴈平二首

鳳池起草漫含香武庫才名敢頡頏銅鼓舊收滇海濶  
虎符新擁鴈山長北門天遠垂魚鑰大漠秋高進驕驍

種柳課屯無一事籌邊樓上月如霜  
鴈門關壓太行陞上將防秋舊宿兵  
文吏重煩分閫護使君今見擁旄行  
黃榆天濶無烽火白鴈風高有柝聲  
此去屯田須上奏爲圖身已到金城

送人之官寧夏

中朝才望數黃瓊擁傳新看紫塞行  
掌計已曾修六典籌邊還見築三城  
護屯騎士懸雕射保塞諸羌抱犢耕  
鎖鑰玉門功不細何須望闕遠含情

清明同張南溟給諫遊京城西作二首

一春風雪快新晴竝馬聊爲出郭行  
草色漸于沙際動



煙光裁共柳梢平，愁邊白鴈來關塞。  
醉裏黃檳憶弟兄，記得江南踏青處。  
漫天飛絮是清明。

松根苔面坐頻移，小隔紅塵覺日遲。  
修禊心情遊客減，分番花信老僧知。  
虛檐塔倒玲瓏影，蔓草碑殘絕妙辭。  
莫以幽尋滯歸棹，清江三月有蓴絲。

惜園詩二首

亭臺布置總天然，簾幌虛明翠色延。  
波底塔鈴風自語，花間石丈露無眠。  
流觴客據梅根地，設鍛人移柳外船。  
最是北樓詩思好，晚山如洗夕陽邊。

輞川金谷勝如何，未抵天倫樂事多。  
竹簟好攜長枕入。

松門不礙板輿過極天關塞傳刀斗幾處滄江穩釣簑  
一濟蒼生歸作達白雲長爲鎖巖阿

贈吳志老

吳名任臣其字  
同先曾祖諱

讀書旣良難著書更不易悲哉百年來儒術墜於地遊  
談競空疎辭華逐靡麗秋漲無淵源朝華失根蒂矯矯  
吳先生好古得真味書淫自性成傳癖世無二殘編洗  
橐求蠹簡脫衣質手抄幾千卷一一能默識績學貫天  
人著書富凡例窮經三禮通補史十國志山經廣郭生  
書故精戴氏謂是宏覽才雄辨當絕世對之貌溫溫踈  
夫生靜氣自惟蒙陋姿亦懷博綜志浮浪耗精神蹉跎

過時歲及此當還轅對君發浚嶽將休下澤車重問雲  
亭字

贈毛馳黃

毛君工著書昔讀其詩辨剖析詞家流妙義如抽繭裁  
鑿既精工標目復清簡雕龍有嗣美卮言不獨善十載  
慕其人茲來涉庭辭始知養疴餘戶足不出限神姿自  
朗徹蕭然見嵇阮微言輒破的論舊情不淺惠我一編  
書字字皆禁籙赤城霞忽橫芙蓉露初泫才華絕代無  
况復工結撰誰云病妨學藉茲塵慮遣閉影可滅喧念  
衰堪策懶激盪千古業一席存藝苑鄙性頗靜便雅志

在書卷漸爲大瓠浮亦逐勞薪轉叩鐘未發莛飲河不  
滿颺申章告將別來期庶能踐

贈萬克宗

君家世勲衛奕葉乘戎軒君考起科第于世爲通人君  
兄遭世難種瓜在青門爰有八昆弟一一皆瑣璠君特  
選經術傳流口紛綸百家較同異千聖探淵源隱居不  
干祿容貌春風溫季弟詳精史學近代尤多聞洪永迄  
末造典章暨人文細大能默識有觸如傾盆此學足名  
世海內無其倫從子貞亦殊才膽氣雄九軍誦其古文  
辭蹕若天馬奔三君吾所識餘者不暇論傳爵三百年

送和生金  
上  
獨子無旁孫爵絕乃蕃衍乘除理相因吾觀黃河流如  
絲轉崑崙入塞乃雄放鬱爲百瀆尊清門世德厚萃美  
在諸君文學乃亢宗丹旆安足珍君看徐常後聞沒同  
煙雲

贈吳慶百

詩源自風騷瀰漫爲辭賦東以五七言森然有矩度其  
體本宏濶經緯靡不具如營建憲宮千門復萬戶如觀  
大海潮百川相吞吐沈宋李杜儔竝取才力富長慶暨  
西崑未失邯鄲步憫彼纖小才寒瘦墮苦趣復有劣鈍  
姿餽釘強羅聚嬰兒思扛鼎膺絕終偃仆君本貴公子

讀書窮四部搖筆爲詩歌精思浩奔馳長律或千言窄  
韻乃百句溼錦無弱色驚鵬有餘怒氣力旣雄強結構  
亦完固大雅得斯人中天標一柱作者有李君謂天崛  
起雄關輔何由來南中旗鼓與君遇二龍翔長天唾沫  
成烟霧

贈汪晉賢

風騷闢詞門奇正迭萬變有唐稱大成百代更結撰沿  
流而派源了了皆可見門戶無軒輊體裁有真贋羣材  
各呈巧班倕不獨擅曲士苦諛聞師心爲貴賤膏鼎飽  
一齏不覩大官膳闕天用寸管焉知列星爛君才信英

絕南金與東箭蔚矣譬龍章高文一何絢考古探驪珠  
不爲魚目眩三唐諸作者論次亦翠過江船得相風積  
陰見朝睨僞體庶別裁雅志殊未倦咀華楚蜂渴獵古  
秋鷹健鄙人抱微尚星一漸漏萬上下三千年搜討須  
貫串譬搆凌雲臺一指難獨辦希君扶搖力吹我枋榆  
鷄蟹籛望漁樓菱湖接桃汴余安懸一榻周君分半硯  
鉛槧時莫疎年光若流電

次韻答周青士

霜氣下高梧秋雲飛海國故人正長吟蒼然韻金石我  
亦浮輕舸汗漫隨所歷相逢一大笑瘡鬼掃無迹方信

杜陵詩功與桓虔敵我夢懸巫閭負笈思一出君爲五  
嶽遊何峰可相值候鴈東南飛五五復十十元規正清  
嘯本初肯橫揖世豈無雄材吾終作逋客菱湖望包山  
日夕有佳色還期共茅齋一榻當穿藤

玄陽洞

玉洞闕靈府萬古丹泥封搜剔自近代乾坤豁壺中想  
像衆山腹一竇潛相通朱明啓南牖林屋開東窗諒無  
靈威術神怪疇能窮禪房倚絕壁俯視雲容容湖天白  
無影明濤盪我胸小洲如伏檻遠嶼如張蓬宛宛海度  
月稍稍林受風此中有奇趣吾將問支公支公不我答



美不堂集 卷五 三  
曠色來疎鐘

登萬涵樓

巍樓俯重湖一峰爲屏障倒影寫空明朝昏殊萬狀我  
來屬清秋銜杯此極望霜花綴遙林飛帆拂晴浪雲光  
海吞吐島嶼天下上落日明樵蹤歸風送漁唱主人神  
仙翁手扶九節杖白髮對青山百年兩無恙全生學農  
圃拔俗甘疎放借問巖樓人蠟屐須幾緡

石公

平岡連綿來一峰斗入水蒼龍下飲湖鬚鬚角秀起遙  
觀旣聳傑近睇仍怪偉一罅劃中開羣峭紛上指梯空

勢將墜關險力不倚冷冷扣星魄落落捫珠蘂瘦無沙  
點粘潤有波紋洗霜骨六月寒苔花千歲紫世人賞佳  
石石奇無過此天然列仙翫削成瑤池裏區區寶一拳  
鄙哉牛與李

石脚插波心東西水衝擊今辰正西風浪花大如席萬  
頃奔騰來觸此崖腹窄拘怒不得騁咆哮相鬪格飛珠  
濺青林迸雪灑丹壁砰訇走雷聲于焉壯心魄行行山  
之東無風湖一碧但見如齒石醬水痕歷歷銀鱗于  
尋遊波時激激鏜嗒復噌吰坐聽忘日夕卽境欣  
緣情訝驟易足明百年內萬事皆鴻跡題詩誌歲時庶

用獎來屐

林屋

仙人移家東海東別開紫府銀濤中  
玄都日月自清闕微遜偶與人間通  
包山山椒作門戶衛以神龍與暗虎  
削成一山如屋形金爲庭兮玉爲柱  
漏天一線豁亭午六時鏗勺響鉦鼓  
瓊漿亂迸千條乳乳間倒挂白毫鼠  
龍威之事不足驚尼山大聖通仙靈  
一從寶符落人手丹泥一丸閉來久  
石門古篆題隔凡水底風湍頭上走  
洞邊石狀亦奇絕青於空青白於雪  
太古冰霜凍露成彈曆圓勺斧斲裂  
層層刻削肖飛走面面玲瓏藏竅穴

徑寸天泉酌不枯十圍雷樹焚仍活是爲左神幽虛之  
洞天璇宮貝闕羅羣仙攀珠樹以嬉戲枕玉牀而酣眠  
一夢一覺三千年似苦上界趣起之仙班設闕就散於  
其間吾將攜角生呼綺季從爾洞中長避世莫學童初  
與易遷紛紜更有仙曹事

登龍山望太湖

用謝康樂江中孤嶼韻

龍山如龍蟠晴景空晚眺積水浴衆青空天壓羣峭緒  
風豁浮埃新陽斂餘暉遠挹歸帆馳側聽羈禽嘯迹以  
玄覽超理取拔塵妙不追雲鵬遊孰免醯鷄誚慙無獨  
繭綸虛慕六鰲釣浮家如可棲玄真庶同詠

遂初堂集

少遊草

卷下

六

寄題看奕軒

吳興太守抽簪早作意浮家雲水鄉  
一榻雄情傲湖海半簾清夢落瀟湘  
輸來博箭仙人拙爛得樵柯白日長  
局外無如緘默好何人風度似徐郎  
徐羨之恭品第一  
魏獻常若不解  
雲間陸介菴寫照作僧裝旁列十好女戲題四絕

句

紅攢翠簇一枯僧怪事天公笑未曾  
可是阿難堅定力故將禪榻近摩登

燕燕鶯鶯莫放顛舞衣歌扇總前緣  
何須閉眼添公案枯木寒灰不是禪

白日真真喚小名仙娥取次踏花行何年却上生綃去  
添箇檀奴別有情

花竹參差佛院深休將色相惱禪心阿師方便能遊戲

高坐先吞一合針

時陸寓北禪寺

姜貞毅輓詩

山海蓄靈氣東陲盡萊陽清門挺殊才姜公乃鸞翔性  
資特英果百鍊昆吾剛剖竹治大儀錯節無停銛清班  
擢黃門論事心膽張英風灑梧竹正氣流簪裳天運厄  
陽九國事如蜩蟬僉壬竊政柄踞坐中書堂玄黃戰朋  
黨金錢擲封疆盈廷盡暗啞小臣慨以慷赤手批龍鱗

遂初堂集

少遊草

卷下

九

殿上讀彈章裂麻訶延齡請劔擬安昌天顏赫震怒紫  
闥飛清霜囊頭下詔獄性命如絲颺碧血裹朝衣不死  
神扶將恩滾宣州戍不遣投炎荒坐見鄒塢敗朱絲縊  
蒼黃方當錄微忠九鼎俄淪亡不得攀龍髯無因追國  
殤哀哉一老兵雪涕天茫茫賜環永無期枕戈竟何望  
寧甘貶竄死聖明祝天王何當遘國難偷生還故鄉一  
身爲萍蓬真州復吳閭煢煢三十年一飯不斲忘埋骨  
敬亭山絕命何煌煌亦知懷首丘未得返屠羊不忍死  
吾君一心耿三光維昔有孝子父沒於戎行七十不婚  
冠遺言毒肝腸亦有古貞婦毀髮機空房夫還手開帛

沐脫青絲長悲哉此孤臣奇節相頡頏竟同華生恨無  
復董姬裝陵陽峰峻增苑溪水旁唐一坏在何所露白  
梧楸涼魂兮去何之颯爽從君王電馬激馳輪鸞弧帶  
干將雲濛過九疑月黑遊康郎巫陽下相呼騎箕以徬  
徉

贈孫豹人

世間萬事各有初文人作客始何代玳簪珠履不足言  
魯連先生最雄邁梁園詞賦相如工臨邛車騎何雍容  
琴心一挑得孤鳳犢鼻再著分千億淮南八公亦遊戲  
子雲筆札近名利禰衡才高世莫容應劉龔龔少生氣



李杜文章動至尊暮年漂泊諸侯門泥塗未免斗水活  
曾次直欲瀟湘吞邇來黑風簸鰲極橫流滄海無安席  
往往新亭灑涕人江海飄零半頭白渭北先生坐少微  
海內人稱大布衣平陵黃犢事已非遼東皂帽何當歸  
時時酌酒梅花家七貴三公一蠛蠓賦就江南庾信哀  
愁來筆勢如潮湧也復掣鈴通故人籬邊送酒榴花新  
玉山頽唐舞鶴鶴百年龍性終難馴我亦猪肝閔仲叔  
相逢潦倒梁溪曲土牛磬折私自憐耳熱長歌蹙當哭  
太白秋高血戰腥防身一劍是青萍直須衣白隨天子  
方稱人間作客星

次韻贈蘇崑生

作客無休時，荏苒換裘葛。放眼快江山，何妨飽粗糲。嗚  
人間搜訪墜聞必徵核，胷蟠具區漲觸事一發洩。蕭寺  
逢蘇君貌古風儀拙，曾客寧南幕。上將爲磬折，變徽飛  
一聲。四坐冠衝髮，寧南亦奇才。撫士恩次骨，遺恨瑪瑙  
山。結氣九江卒，貔貅散如雲。鍾山不可謁，身隕兒北降。  
國事悲蚌鷸，君如縱壑魚。浩蕩謝羈紲，殘生老湖海。雪  
涕感存沒，風日東南佳。行歌天地濶，不忍夢襄樊。廢壘  
墮涼月，頭白一何哉。是處爭投轄，夢華有遺編。未抵三  
寸舌，我如楊子雲。問事懷楮墨，科頭或過存。劇談每移

日他年纂異聞用補史官闕

贈陳撝謙

北風驅馬馬戴角紇千山頭飛凍雀世間萬事何所無  
華表歸來一雙鶴君家門第本連天廿年放逐盧龍邊  
賜環無期玉門閉孤兒咽淚酸風前何意春光動遼海  
百口重還白頭在城南種桑餘幾株賜書零落朱扉改  
君本昂藏一丈夫虎頭鵠鼻蒼眉須一飲一斗醉不得  
起舞如意揮玉壺詩篇磊落有奇骨天馬騰驤影滅沒  
赭山湖汝龍山雲洗蕩胸中不平物流人因憶吳季子  
更隔和龍二千里飄然皂帽歸何年逐君車輪夢魂裏

狼河鴨水澗無津多少看羊禿節人冰天我亦遙揮淚  
一聽清笳一愴神

贈何伯輝

何善治日能開瞽

人生天地間眇爾七尺形雙瞳運其樞萬象無遁情縱  
橫貫今古瑣細羅昭冥所以古人言瞻矚闕神明六淫  
外沈浸七情內煎烹乃有病集目不見日與星左丘遂  
發憤西河且吞聲賢智莫能脫委之於天刑仙傳失金  
龜靈藥無空青誰能挽頽陽再遣中天行東海有佳兒  
玉質秀蘭英目眇忽兩月金鏡埋光晶衆醫坐束手保  
乳啼嗷嗷何君蒼然來風髯拂長纓微笑云無傷伐病

必根萌拭我仙露珠還君秋潭清一夕兒暗坐忽然電  
光生豁眼無纖埃物物堪指名開朗刻時日妙術真通  
靈吾觀玄黃剖懸象多虧盈蟾蜍掩日耀開虛奪月精  
經緯相凌薄慧幸流紫庭百刻晝居半九陰逢一晴燭  
龍轡緩緩不爲寒門停悲哉一任永張眼呼青盲賴有  
吳子顏發矇迅風霆可憐建炎后信誓慚青城國工失  
韓岳老淚一目零羈人正愁病懷古心怛怛見君增百  
感聯牀話淡更涉筆成長謠冀與知者聽

題孫赤霞像四首

入洛才華小陸雄何期緞翮去關東天憐紫塞無人物

故遣名賢作寓公

丁令何須化鶴回  
明駝催送過關來  
洛陽年少重相見  
一似昆明話劫灰

木葉山頭戰壘空  
大凌河畔馬嘶風  
清笳短笛無邊淚  
總入江郎恨賦中

誰將墨妙寫霜髭  
雜鳳渾如老鳳奇  
遙鄉蘇子多情甚  
通國偏憐塞外兒

贈錢飲光二首

零落甘陵舊黨人  
相逢湖海鬢如銀  
刊章早作無家客  
握節仍畱後死身  
鷄犬典懷亡郢日  
興元令草在梁辰

蟲沙猿鶴無窮化說向銅仙亦惜神

躑血生還萬里天土林樹屋尚依然  
笑餘易象研朱細踏徧雲山著屐便  
久矣泥塗書亥字淒其衰白感丁年  
誰憐靈武麻鞋安老向空山拜杜鵑

爲汪蛟門題夢硯圖

舍人工文章奇思發幽夢夢游阿閣中  
綠雲鬱浮動佳硯縱橫陳鬼斧所磨礪  
寶發天地藏清爲神仙供晶熒于闐產  
硯磊端溪貢龍尾蟠巖坑鸚眼迸崖縫  
風魚形模奇甲乙品題衆瓦從鄴宮陶  
玉向藍田種蟾蜍自祖孫鼉磯爭伯仲  
觸手膩柔肌照眼爛銀甕小可題詩攜

大空草檄用一片買須貧數枚老堪送攬取無傷廉十  
二足摩弄連城聲價隆累碁魂魄恐沾灑墨華翻提持  
袍袖重寵踰司空錫榮勝妃子奉富欲詫老米豪思矜  
小宋欣玩方未休朝光射簷棟覺來何所有破匣黃塵  
封追尋遂成圖歎慕聊著頌吾觀夢覺理因想紛錯綜  
渴人夢得漿飢者夢得饔法法長安客都爲利名中或  
夢牙笏堆或夢幢蓋擁一年九遷官三月兩增俸夢熱  
貴爲徵夢穢財不空君何獨乖時夢此助吟諷就令實  
羅列不救飢與凍文通筆生花孝穆肩集鳳慧業旣已  
濛造物詎肯縱我亦客薊門無夢落塵鞅行必天姥岑



憇或朱明洞鐵篔方一聲天鷄忽三唳

重稷閣二首

紅樓新築倚清溪桂葉松梢拂棹齊平野綠垂鈴塔下  
好山青插女墻西花淡高士全家臥雪重來人一棹迷  
不盡琴聲與鷓韻令君懶聽早朝鷄

冠山亭子勢嶙峋天與佳名閨節新林水長如修稷日  
琴尊還集過江人行襄薛荔尋題壁望極蕪蕪見踏春  
蠟屐謝公情不淺可容丘壑寄閒身

贈汪季青四首

天障三珠樹詞塲譽早傳白眉看後勁赭汗復先鞭思

入池塘好才豈斗石偏不因文賦出誰信士衡年

系青  
年甫

十二

別業故鄆城溪山入眼明春烹芥葉嫩寒釀箬流清客  
少門常掩花多地不耕焚香虛室坐何物是榮名

君有編詩約吾無論世長丹鉛聊次第銖兩漫稱量僻  
集懸金購微言刻燭商溜澠愁易雜真味與誰嘗

時方  
排非

詩明

舊覓胎仙訣新翻貝葉函尋真過雪澗訪衲宿雲龕塵  
土浮名薄流年學道堪只愁餘習在佳句法仍耽

曹秋嶽先生招飲倦圃作四首

三年重到輜川莊老桂添陰竹過墻蠹簡不嫌裝蕙苾

先生自闕歸作叢書十卷

珣戈曾擬撥櫓倦翁撰述樓林富少伯

聲名去國長壑徙山移同昔夢鐵舟容易此溪藏

本岳

河舊宅傍有范蠡湖圖中書屋名鐵舟

追涼水榭亂芙蓉稍喜陽鳥墮晚峰寡嬾誅求哀萬國

老臣夙夜閔三農

時方九月先

生步騎甚疲異乎可得銷金甲霖雨

何當仰土龍涿室憂時緘口空相將衣白話從容

促席浚杯待月明鯨魚掣海興縱橫瀉滌天地畱文獻

遼落江山見老成虛有蒲輪來草土也同樵子避弓旌

先生守制不赴召余亦以病辭

五株楊柳千株橘安穩苑葵足此生

巴人俚曲舊曾撰濫竊龍門品價高南北兩生慚對李  
先生謬以來詩可當關中李天生有北李南潘之目古今一石敢分曹窮餘詩筆  
酬知已病把流年送濁醪未厭荷衣陪岸幘鴛湖笠水  
一輕舸

遂初堂詩集卷之三

夢遊草

寫懷十首

緯蕭抱甕一閒身，忽報徵書訪隱淪。  
客到定知傳語誤，牒來方訝姓名真。  
雕籠豈得呼高鳥，芳餌何當近逸鱗。  
閉戶莞然成獨笑，南山翠色正嶙峋。

土木形骸臥竹根，一生無夢到金門。  
梁鴻早歲耽棲遯，何點中年薄宦婚。  
櫟以不材畱作社，瓠因無用取當樽。  
少微那得關星象，錯比柴桑處士村。

攻文未敢薄雕蟲，精銳銷亡舊學空。  
詎有七篇傳鄴下

誰能三篋補河東，悲歌總挾清商氣。掘筆都無典麗風，  
枚馬揆天才不少。因何搜採到巖中。

攢攻百病藥無靈，憂患生年實飽經。籛蕩心如懸碓杵，  
臃腫眼似抹雲星。魂傷廢壠哀風樹，淚滴秋原痛鵲鴿。  
如此人身堪出否，誰云惜嫁爲娉婷。

多謝雲霄鷓鷯行，聯翩推轂有封章。只言牛鐸堪諧律，  
詎料鉛刀已挫銛。元子曾聞薦謙秀，巨源終不強嵇康。  
此情可待披襟說，欲寄蒲箋鳥路長。

昔賢心跡太分明，蹈海焚山事可驚。桑樹掛書人不見，  
羊裘把釣水長清。吾生豈得孤行意，隱去何當復啖名。

只合從容求放免林泉深處好偷生

凌兢病骨強扶持懷牒陳情控所司屢典春衫干從事  
頻伸紙尾署鄰壑長官省識支離態幕府哀憐痛切辭  
早晚烏私蒙特達巢林從此得安枝

事關胸臆絕沉吟誰似山家逸趣深綿上母偏愁捧檄  
鹿門妻不羨懷金沉真早得閒居樂恬淡彌堅學道心  
畱此鬚眉對松栢風霜歲晚共千尋

萬事都緣不耐飢賣文作活計全非定僧豈合持齋鉢  
處女何當辦嫁衣橋彈千林霜帶屋魚苗十斛水平磯  
逍遙雲路餐風好莫逐光音拾地肥

爛溪斜引雪溪流一孤香風齒茗秋早韭晚菘園客舍  
綠篔青笠水仙舟識時何物稱龍鳳混俗從人喚馬牛  
遮斷白雲三十里莫教空谷有鳴騶

後寫懷十首

穩臥東臯分息機吏人何事歎柴扉不蒙漢詔停癡病  
重遣處旌訪側微斷木在溝終見採冥鴻有翼可能飛  
尋常只是無聞好纔到藏名願已違

訣蕩天門束帛徵有司敦迫苦煩仍惟看墨牒催千紙  
却少柴車送一乘扣閣上書愁見抵牽裾雨淚肯相矜  
從容進退前人事嘆息吾儕便不能



天地爲籠網四維礙輪風馬逝安之犧將斷尾嗟何及  
路到臨岐最可悲實愧田疇稱節士方知梅福是男兒  
鷓鴣啼徹南樓夜臥聽禽言有所思

袞袞鋒車上北辰樵夫亦遣逐清塵爲言騰達飛黃地  
可用嵌寄歷落人奪我竹林呼小草與他灰洞作勞薪  
辭家正是思家候滿地秋風動紫萼

芒鞋昔別薊門秋誓作農師守故丘正爾高歌紫芝曲  
無端重著黑貂裘神仙海上畱雙鳥宰相山中畫兩牛  
一往孤懷今得否茫茫此日始言愁

干戈未定羽書催驛路頻聽畫角哀割面風沙畏獵獵

膠輪冰雪盡皚皚  
遐思疏廣投簪去  
豈意嚴遵出肆來  
未了三生塵土夢  
窳駘重踏瀾橋回

版築奇才得見無  
漫誇文采握靈珠  
不淹丘索難名博  
未貫天人詎作儒  
側想異同警虎觀  
預愁詞賦擬鴻都  
蒼生前席如勞問  
可有監門出繪圖

茵涸參差總落紅  
忍于此內論窮通  
懸知逕笑終南捷  
畢竟人愁髮相空  
往日觀爻明損益  
近時解老悟雌雄  
心清不作槐根夢  
白晝偃眠雪片中

誰教出處兩無成  
飄蕩身如一葉輕  
高價但聞嗤李渤  
虛聲誰肯恕樊英  
玉居瓊內方爲寶  
泉出山來定減清

良醞三升寧足戀白雲一片不勝情

松鎖書堂竹護關暫隨飛鞚到人間  
乘春海燕聊辭社出岫孤雲只戀山  
元直會騎蒼鹿去廉夫須乞白衣還  
封書寄向漁樵侶玉柱金庭好共攀

贈王阮亭侍讀

往歲來京華我年始弱冠君家吏部公

西樵

一見謬稱歎

謂我工五言燦若金出鍛君從淮浦還  
同聲復相贊咨嗟游山作屏脚供把玩  
退谷花茸茸并門雪漫漫題詩遠見懷  
珍重逾繡段芒鞋歸東吳五雲消息斷  
驚聞吏部亡痛哭楓江岸微名載編年  
雪涕不能看

阮亭作西樵編年行

狀載余受 鄙性慕幽棲况復更多難支離善病軀甘老

漁樵伴微書謬見加野馬愁羈絆重來客春明風景頗

回換舊遊十數公屈指都星散惟公在金門巍然秉月

且從遊盛如雲造請慚疎慢雅量垂矜憐酌酒每相喚

怪我雙瞳人熾電殊昔爛傷哉人琴瘳雨淚如傾漢眼

枯見狂花作字如九彈公名懸日星有集高等案大雅

關榛蕪燭龍正琳瑯我學陋測盞經史詎鈞貫方輿規

成圖曆數希握算銀海一朦朧萬事如絲亂無成愧知

已念之帆流汗紅塵漲交衢馳鶩非所慣澤雉會開籠

青冥饒羽翰歸與棹扁舟及此春水泮腰鎌採水苓閉

關翫爻象相思折瑤華高高上日觀

壽馮益都相公

大厦羅羣材締構資一匠濟濟國多賢採納惟元相  
業豈在多有容德靡尚吐握美姬公廣集稱葛亮晶瑩  
日光輝廓落天度量勞謙義久微雲霄隔塵埃車廡收  
平津翹材沒無象巍巍益都公業冠韋平上虛已特舍  
弘居高彌退讓集壤山穹窿吞流海萍澆門墻半槐棘  
巖立孫曾行猶然下白屋折節到窮巷寸長必存錄片  
善靡遺忘聆音辨焦桐望氣披干將客怨吐茵狂禮容  
長揖抗士氣始一伸短褐還神王由來轉鴻鈞耳目須

昭曠况當撻伐秋宵衣煩甲帳三邊方用師萬里猶轉  
餉迢遙黃雁粟歷落雲臺仗苑馬渴青芻河堤走高浪  
杼軸困大東緡錢輸左藏廟算須從容前籌貴精當古  
稱將相門英俊空蓄養草澤多奇才聖駕或侗儻一一  
蒙延攬時時垂咨訪豈伊掇華采庶用資拜殿鄙生伏  
窮巖行歌聊拾橡窺豹無一斑蠟屐有幾緡把釣且棲  
遲盤坏敢驕尤竭來逐徵車天門開蕩蕩禮數絕蓬茅  
未敢通名狀咨詢猥見及兼批京屏一物採無長虛聲  
愧魏野雅志慚种放歸夢落鑑湖客心懸鴈宕致慕雖  
處夔所希馬脫鞅台階炳中天龍門峻千丈黃髮何番

番元老猷力壯勲看勒鼎鐘龍必錫圭壺浚官拜丹書  
大廷扶玉杖何用祝岡陵無勞餐瀼沆畱鄴自爲倫蓬  
瀛遙在望

雪後同李天生諸子集王阮亭侍讀齋限韻五首  
春風吹鹿裘尚作京華客南窓一夜雪離懷與之積不  
有平原酒將何解愁寂

春江把瑤草懷人渺無處悠悠出岫雲天邊忽相遇秦  
吳杳萬里及此披情素

橫門不容車天路何廣廣緬懷漁洋山掛瓢發遐想山  
鷗好羽毛何年墮塵網

高樹落來雪颯颯聞空庭滅燭談琴書夜景有餘清對  
此金門客彌浚滄海情

朝來東林望歷歷城頭山春泥沒衢路羣動無時聞想  
見郎官字風流石壁間

送宋牧仲推轂關三首

章貢落天流孤城號虎頭雄關臨楚越仙窟近羅浮蘭  
葉多於草蕉花嫩過秋從來吏隱地紫氣辨青牛

相國生才子天中一鳳毛人如對瓊樹筆似捲秋濤舊  
擬蘇團練新推謝法曹江行添好句紅葉滿林臯

按部無餘事江山到眼明放衙看竹色支枕聽灘聲兵



後商輅集榕邊峒戶迎惟應石門水相並使君清  
御試省耕詩

帝力存于邦

皇心切勸農紺轅臨御籍蒼壁禮天宗布穀初催鳥靈  
星早見龍土膏蒸活活泉脉暖溶溶蔗葦紆阡陌桑田  
軫九重時巡多暇豫法駕每從容帳殿斜縈柳旌  
門迥駐松山橋花掩冉水郭草丰茸饒餉天衣把扶  
犁翠輦逢神阜元陸海沃野總提封力藉人千耦收  
堪畝一鍾火耕隨地足雪澤及春濃夏諺遙騰壠函歌  
晚和春屨豐占萬國高廩佇三冬嶺表方傳箭湘西已

撤烽 廟謨寬杆軸國賦緩租庸水利修畿輔邊屯拓  
華雍代田功錄趙買犢賞先龔綈革師文儉胼胝法馬  
恭升平看有象父老望喁喁

監修徐立齋學士見示途中寄兩總裁暨諸同館  
詩用韻奉和四首

哲王鏡曩古興衰究天人近代尤密切後車逐前塵所  
以勝國史汲汲垂討論貞觀歸馬日洪武彘弓辰應時  
詔編纂冊府耀千春前明三百載治忽何紛綸今朝所  
儀鑒典章况相因迄茲無成書文獻日以淪我

臯敷文教制作超無倫旁求訪幽仄窮巖賁蒲輪寵以

載筆任東觀開麟响羣工仰英匠眾器資鴻鈞總領既  
鉅儒監督仍宗臣千載一嘉會光華燭天垠逢時長才  
奮吐氣直筆伸振衣躡南董高步追班陳庶成不刊則  
持以獻 楓宸

古史成專家後史成眾賢私門與官局事勢使之然程  
功有難易辨體分媿妍今茲非官書何容獨流傳多人  
辨一事議論空喧闕短長異尺寸燥濕殊徽絃所賴乘  
成者綜攬無頗偏房魏總羣史歐宋裁新編委任得條  
理書與日月懸鹿城及京江三傑今差肩妙極朝右選  
同時柄史權惟公起在籍江路逾三千瞻望經九秋始

見來旌旆帝車長，列曜大海宗。百川濟濟同袍士，橐筆  
螭坳前願言受節制。庶幾屬藁韃。

釀酒須良秫，築室必杞梓。捃摭無羣書，云何得成史。寶  
錄旣凋殘，玉牒亦淪委。野乘乏十流，家狀缺百氏。何況  
神光餘簡策，不能紀黨論。沸蜩蟬寇氛，駭蜂蟻臺城。軍  
阻塹厓山，舟覆水自非。訪耆舊誰能究，終始列傳有分  
合。表志具經緯，孤忠揭韓通。高節錄黃綺，體製倣古爲  
凡例。以義起斟酌，憑鉅裁末學。仰成軌謹嚴，春秋法雅  
馴。史遷指五難，信爲累三長。誰兼美，弇州曾輟簡。虞山  
亦撫几，追惟廣陵散。惻愴不能已。

笠澤一漁人綸竿守鷗鷺索寞無絃琴摧頽五石瓠  
承紫泥書翩翩卽雲路爰居對鼓鐘矯翼懷愁懼汗簡  
垂千秋綴名竊所慕且願效鉛刀事了拂衣去舉世誰  
相明惟公表情素早懸南州榻風獎鸚鵡賦及茲託官  
聯小草映高樹猥荷昭曠懷延訪屢傾注介陋復何知  
英雋紛無數崇臺搆九層摩天屹梁柱眇矣一木櫟  
附

送李天生還關中

太華削三峰橫空勢雄拔百川赴洪河潯水特清澈沈  
寥金天氣河山互盤鬱寥寥隋唐後關中少人物千年

得李君英英萬夫傑燦爛龍泉鋒權奇渥洼骨貫穿百  
氏書經術尤洞達磅礴爲文章紫瀾溟漲濶一諾千黃  
金義分明霜雪抵掌天下事黑白在指末高談浩懸河  
日夜不可竭出則景畧流處爲仲淹列吾師顧亭林名  
德今第一停車華山陽與君等膠漆鄙生託末莽瑤草  
常遠掇未果負笈期函關夢超忽中朝渴求才搜訪到  
巖穴鶴書竝見微虛聲愧所竊高堂有老親溫清未空  
缺陳情各致辭異地同一轍終然遭敦迫後先赴京闕  
握手風雪中欣喜復悲咽遊魚待泮冰鼓鬣春江活何  
期一上竿掉尾不得脫羨君膽堅剛壯君氣勇決灑涕

尚書省銀臺屢排突十上十不收究乃叩紫闥上云母  
龍鍾下云身單子金石開精誠風雨助悲切天高而聽  
卑炯炯見識察恩詔許還山歸志竟莫奪譬若獨流  
泉到海經百折又如養由矢射甲必徹札國士信無雙  
於此見奇崛我亦草疏章懷之字磨滅不能叫九關俯  
慙氣疲薶屬有載筆事朋儕相牽掣史牒足墜聞雅志  
願補祿但愁緒如麻是非中膠轕南董邈難追糜祿腐  
內熱君今歸故山婆娑奉黃髮玉井蓮千瓣菖蒲根九  
節采采供晨餐德養使親悅吾師築書堂髣髴近箭栝  
雲臺紫陽祠氣象甚弘豁見君樂難支管席諒不割况

有兩聘君左提復右擊振衣仙掌巔萬事等蟻蟻我須  
史書成滄江鼓歸柁輿到西入關嶽圖佩如玦鐵鎖攀  
千尋捫天弄明月

石鼓歌

太學戟門十石鼓三千年物能堅完蛟龍拏雲狀窟齋  
星斗墮地形圍圍斷成礎石藉天廟壽餘藥曰拋仙壇  
字刻鼓腹可捫讀白麻搨出文斑斕柯條扶疎倒金薤  
體勢天矯騰鳳鸞寶光古色不可觸把翫十日忘眠餐  
壇山磨崖刻癸巳銅盤鐫墓封比干模糊髣髴難識認  
豈若此物無彫刈憶昔棄捐在林莽紫苔剝蝕清霜寒



唯磴搜尋枉博士彙駝負致勞材官姬巖宇文辨時代  
番吾史籍窮毫端考證異同有歐鄭詠歎奇怪兼蘇韓  
足成十數自皇祐徙入辟雍由大觀可憐金人能解事  
瓊裹萬里來戎鞍橋門位置最妥帖青衿之子相盤桓  
如何三舍法壞盡著籍萬數多綺紈管絃無聲禮堂閉  
幾人到此摩挲看博雅知無古敬子使我佇立增哀歎  
作歌無才學盤硬觸事感激秋風酸

寄懷衛爾錫前輩

時謫官  
霸州

弱冠游京華荷君特推獎折節爲弟昆膠漆莫能兩半  
榻爲我懸圖書共欣賞探幽炳明燭汲古牽百丈蟲魚

結曲文翻紐。伊鳴響鈞。淡互徵詰。送難迭來。往終焉春。  
冰融一笑。豁疑網。荏苒涉二春。分攜逐塵鞅。君亦請告。  
歸蠟屐。辦幾緡。物望推情。恬士論。歸個儻寧。知忽左遷。  
一鳴斥立。仗怡然。紺黃綬。簿書甘鞅。掌寵辱了。不驚於。  
茲徵風。養余本江海。人行歌。甘拾椽。徵書謬見加。一官。  
苦相強。鳳凰枳棘棲。爰居太牢。饗萬事。不可期。問天何。  
惘惘。史書纂前朝。東觀闢弘敞。結撰羅羣工。錯節共凝。  
想如何。老斲輪。掉臂旁。偃仰青藜。黯無輝。芸編色。悽愴。  
東風海上來。消息傳莽蒼。君節益嶙峋。君氣彌慨慷。斯。  
人自千秋。浮沉愧吾黨。何當屈雙伸。天門開。詆蕩君其。

千仞翔吾甘五湖長

和田綸霞移居詩

志和之艇堯夫車雲山是處堪移家  
邸舍縱好那稱意  
有似禁籞靡靡漪亭先生愛蕭寂  
故遣僧院藏官衙  
騎馬不到門巷僻  
土垣曲折編籬斜  
獨掃一室煮香茗  
別開三徑移黃花  
佳客欲來發清磬  
旅夢乍穩聞啼鴉  
攄懷閒作洛生詠  
快意自摻漁陽槌  
且須拄地問菴足  
莫漫補天思女媧

次惠元龍韻送宋叔選歸溧陽

溧陽宋君我畏友  
百鳥一鶚迥不凡  
古道溫溫釀醇酎

勁骨落落排松杉興來揮霍數千字奇峰天半橫巖嵌  
三江波濤盪胷際七襄機絲抽指尖倪寬雖然甘牧豕  
麟士不合長織簾去歲徵書下草澤鋒車絡繹催征衫  
君也揚鞭向紫闕我亦躡屣辭窮檐濟濟羣才會輩下  
沈詩任筆疇能兼文人相輕自積習重君秉德恒謙謙  
與君邂逅便膠漆推襟送抱無猜嫌濠上清言共惠子  
林中酣飲同阿咸訪古昭丘蠟二屐探春蕭寺懷雙柑  
紫宸殿前給筆札看君麗藻凌江淹寧知珊瑚誤落網  
衆舌一味殊酸醎誰能得失不措意口吻筆訕如霜嚴  
君獨大笑此偶爾世間萬事等竹籤甲乙高卑本何定

豈必暮四譏朝三，翩然掛帆便歸去。家山舊宅讓與廉，  
封侯泝泝同一技，不遑手在無多談。籠鶴懷情放江海，  
囊雲快意趨林壑。嗟余束縛就塵網，支離之軀肩左擔。  
隨流徒然歎桃梗，對鏡轉自慚無鹽。送君歸歟，悵不樂  
盈樽別酒，何當拈沈湖水。淡春景蓄三茅峰，高紫氣覘  
明年拂袖會相訪，簞一具爲余添。

施愚山待讀惠敬亭綠雪茶賦謝

了山陽陂茶厥品舊稱上，如何採摘稀珍叢。閉崖嶂北  
源與洞山稠，載每兼輞爛。燉風格卑未足差，輩行宛陵  
有茶星。歐蔡未多讓，敬亭秀簷端。先春每策杖，龜手摘

銀絲旗槍別名狀火候如還丹蒸焙謹酌量霏霏蘭芬  
吹靄靄玉色盜名同仙掌錫製比雲龍創林臥餘十年  
耽此遂微尚茲來掛朝簪瑤瑤苦塵埃退食傾一甌吟  
吻始津暢憐我久病渴封緘枉分餉珍味類精鹽遠物  
同筠簪官舍鄰僧寮寒月墮衣桁曾無子京樂焉取慕  
姬况且燒松根葉解眼候微浪因歎漏卮人土風未宜  
忘

送邵子湘赴登州幕兼懷譚舟石太守

登州古嶠夷東望日出鄉樓臺倒海影萬象涵朝光之  
果石刻裂祖洲仙藥香悠然見殊庭夢想思襄裳譚君

領五馬期我同望洋苦遭一官縛蠟屐不得將邵子延  
陵秀玉面虬鬚蒼翩然赴緹幕匹馬之萊陽蓬萊閣邊  
峩田橫島微茫天清海市濶湖落躡磯長銜杯賦新詩  
意氣何飛揚子實工文詞整練不可當史局起凡例倚  
子相推商一朝脫然去使我心彷徨譚君今通才不獨  
吏治良掌故多練習圖書富收藏足跡徧萬里老眼經  
滄桑梁書紀湘東宋史系二王紙墨所不載非若疇能  
詳願子共紬繹編綴成一囊因風寄史館橐筆書輝煌

題毛會侯戴笠垂竿岡三首

桐江清淺睦江虛千尺松巖繫釣車誰道直釣難試手

一竿三十六鱸魚

金臺美酒倒春缸  
網得飛鳧竝一雙  
不淺四明狂客興  
可能乞與富陽江

草服何當換短衣  
松江無限鱖魚肥  
煙波若放釣徒去  
添箇樵青蕩棹歸

送同年錢越江歸省

櫻桃初紅子移病  
勸請乃在榴花然  
乞身此日殊不易  
羨子志力能精堅  
去年此日正官定  
同人鵠立相差肩  
一年之間足聚散  
出宣武門相後先  
如花墜茵復飄去  
如月生魄不得圓  
就中乞假爲親老  
南吳北李丘與錢



齧指痛心有至性仁孝可以迴蒼天君歸一笑慰白髮  
板輿坐對機山邊扇枕却當清暑候采蘭自詠南陔篇  
蓬萊道山竟何處得歸真作登瀛仙嗟余有母正垂白  
乞省未得座緣牽銜杯駐馬送君發白雲一片心茫然

送古燈上人還金明三首

西山蘭若翠層層龍象誰堪嗣一燈每到林泉幽絕處  
龐眉憶著懶殘僧

矮屋攤書架竹牀蕭條我亦似禪房師來竟日支頤坐  
彈到無絃韻轉長

金明高閣俯城頭無恙青梧影碧流頭白文公強健在

好談灰劫寺門秋

送宋稚登赴鞏昌郡幕

幾載棲遲紫塞間  
驅車仍指鳳林關  
班超肯作書生老  
宗炳須遊岳瀆還  
堂上三春看鴈字  
閨中五夜夢刀環  
知君無限迴腸在  
却望家山上隴山

題陶雲湖畫白鴈

世間奇士無時無  
姓名往往埋菰蘆  
宋郭恕先元倪迂  
高蹤遙遙不可呼  
誰其嗣者陶雲湖  
雲湖射陽之釣徒  
俊氣勃發生龍駒  
千言揮霍風雨俱  
目空萬古隘八區  
雄談滔滔水決渠  
早年席帽遊京都  
匏菴諸公正當途

延爲上客倒屣趨生也岸幘翹髯有足不曳王門裾  
十日九日眠當爐一生愛花如愛書天津人家花扶疏  
丁香一片紅纓瑜策馬逕去忘歸歟棘闥不入神恬愉  
東遊渡遼腰僕姑題詩直上盤巫閭歸來混跡隨狗屠  
興酣潑墨爲蟲魚十指拂拂英氣舒片箋拾得千驪珠  
喬君寶此白鴈圖意態淡遠情蕭疎嗟爾肝鬲如冰盃  
下筆自與凡人殊斯人品格何清孤逸民綴傳不可虛  
史官載筆師董狐發潛須到樵與漁勿但高爵書遷除

送臨清推使

漕渠亘南北清淵扼其喉衛河從西來輓運通神州百

貨走遠路千帆拂城樓峩峩蒼水使揚旌居上游算緡  
用六筭仰佐司農籌促柱有急弦奔駟無安輶漁師畏  
竭澤虞人憂反裘誰能豁煩苛不競亦不絀使君金闕  
彥文采珊瑚鈎一朝秉英蕩摧稅清漳頭冰壺映明月  
玉衡懸清秋佇見寬繭絲一紵行旅愁嶽雲覆官樹河  
聲連帝丘寒帷得秀句札翰遙相投

送陸天濤之官郟縣

同賦長揚步玉除憐君才藻逼應徐珊瑚偶落千絲網  
明月終輝十乘車汝水淺縈駿篠內嵩山靜對撫琴初  
開元古調傳于菑寫入新詩一起予

送江辰六令益陽

江東獨秀有江郎，獻賦曾同上玉堂。一目未容羅翡翠，盤根先與試干將。山城兵後家家杵，水驛秋深樹樹霜。正爲疲民勞撫字，濯纓最好是清湘。

送吳鑄乾赴項城幕

吾里富人文，巖溪推絕盛。延陵六七公，曩執轡。柄鸞鳳，非一毛。負篋遞相應，自頃廿年來。霜鬢凋殘竟，燕沒楊雲冢。蕭條蔣詡徑，天涯見吾子。洵美麟之定，家風嗣弓裘。俗學羞鉅釘，斐然富文辭。氣銳標格正，嘶風駭駉。疾出匣，龍泉瑩以茲。步先民，孰曰非後勁。旅食愁羸孤。

應接傷本性幸子棲託佳便託後車乘嵩高峙天中黃  
河穿號鄭壯遊發奇懷茲行雅相稱儻遇北來鴻奇我  
思歸詠

送田綸霞視學江南

長安九門開車馬競馳騁田君獨無營高臥蓬門靜公  
餘坐垂簾焚香對西嶺漁獵萬卷空雙眸電光炯於人  
慎許可篇翰每不省當其所折服竇若龍文鼎我昔遊  
京華鹿裘蕭寺冷荷君國士知歎若金在礦招邀必移  
日論文盡肯綮悠然成風斤不礙亞鼻郢三春具歸航  
餞別心耿耿前年喜我來相見一燭秉謂子來何遲懸

榻久延頸目盡百鳥凡方知一鶚猛感君拳拳意出處  
慚飄梗長廩謬見羈僚魚入筌簞銜杯露真率吮墨鬪  
新警非君數相尋羈懷誰當逞

天子念南藩人文蔚奇挺臨軒特召君文柄予專領君  
才故無雙君性特方鯁金鏡懸高秋玉衡指東井會見  
掃榛蕪壁壘一新整朋儕去江鮑師表得嶠題物理有  
乘除歡愁寸心併送君上東門目斷江路永迂疎愧吾  
徒開濟有公等黃犢雨一村白鷗波萬頃便當脫朝衫  
從君上煙艇

送惠元龍

焉逢執徐年與君始識面訪君陽山陽疎籬帶花片十日醉濁醪題詩掃匹絹從此數招尋煙巒足攀踐籌松支斲巖拍浮虎山堰爲歡未云幾踪跡愁蓬轉我爲齊贅髡羈棲客淮甸逢君負笈來班荆喜欲林書樓枕長淮千里望如練朝昏每相就聯句書壁遍子弦我作韋我素子爲絢情同魯衛鄰藝作劉項戰此樂人間無爾我不得擅一別遂十秋流光急於箭世路更干戈人事多憂患絕琴王子猷熨冷荀奉倩悲涼難具陳欲述涕交注前冬來京華快意賓筵見各訝顏鬢殊素心幸無變我本江海人橫遭雲羅罨行藏苦狼跋身世愁墨緣



惟君洞肝鬲敦誨每不倦豈無新相知粲若春林蔭未  
抵髻鬣交松筠在霜霰我如瓠落尊子若清暑扇子未  
登雲遶我翻出林澗造物於兩人位置殊未善子去心  
恬愉懷璧不自衒託身尚書府兀兀攻結撰有文千百  
篇不肯作行卷終然念老親負米思鄉縣遂赴油幕招  
取愜歸裝便田公吾故人爛爛巖下電以子載後車羅  
一可得萬所恨奪良朋令我不能飯吾短誰磨礪吾缺  
誰補綻秋風動林臯落葉積庭院我亦念尊鱸未能逐  
陽鴈人生如夏雲瞬息多變眩子去我則畱萬事不可  
算追憶廿年來踪跡風中瓣未知復何年十指共一硯

努力惟修名身尊道不賤  
裁詩述平生聊用敘親串

題暢心閣二首

生色溪山不染塵  
忘言花鳥坐來春  
偶然載酒成賓主  
便是山陰畫卷人

剡曲名山天下無  
青鞋布鞵付吾徒  
得歸是處堪行樂  
不用君王賜鑑湖

毛大可納姬二首

披煙拂柳出青門  
十里嬌花裊露痕  
姑射仙人花裏住  
白浮村擬苧蘿村

乍試簪花字體新  
濤箋十樣簇芳茵  
修成史傳多情致

爲有燈前擁髻人

送顏子京表兄二首

烏衣人物阿龍超，憔悴丁年不自聊。  
萬卷圖書殘舊篋，千頭橘柚失新條。  
灌夫獄急愁粘蝶，狄慶金多有縱梟。  
愧我書生無計畫，衝冠惟有髮飄蕭。

客路三千到苦辛，焚魚憐我酷清貧。  
雙垂鍛翮嗟窮鳥，一奮長鳴感故人。  
少別音塵非濶絕，未酬心事莫輪茵。  
魯連臺上銜杯望，好寫新詩寄錦鱗。

中秋前一夕集喬石林齋

佳辰高會自年年，未抵今宵樂事偏。  
把臂弟兄多輦下，

雕龍才筆總尊前月輪過雨白無比桂樹未霜青可憐  
如此風光堅坐好不妨燭跋便朝天

送侯大年南歸二首

相逢昔記慈仁樹相送今還過寺門千里心期同瓠落  
十年踪跡一蓬根宿癩也逐毛嬙嫁黃鵠聊爲尺鷃翻  
無限人間惆悵事心期寥落與誰論

夢想蘭陔未得歸羨君真逐鴈行飛黃雲壓樹柑初熟  
白練橫江蟹乍肥手澤摩挲元亮集輕裝檢點老萊衣  
江東舊事憑誰記碧血祠前樹十圍

萬柳堂

相國經綸暇爲園紫陌中風煙開浩渺氣象鑿鴻濛築  
土皇陂北穿池太液東三峰晴落掌九折迴排空積水  
浮寒藻晴瀾動遠風白沙隨岸滑殘雪入泥融畫舫輕  
颺漾平橋淺霧籠翠禽相覘睨玉樹轉青葱細柳移平  
樂長楊徙永豐絲絲晴翠綰葉葉煖煙烘落絮浮青沼  
飛花撲綺叢嫩侵塘草碧低雜酒花紅塔影斜依幌山  
光近逼欏嶙峒瞻魏闕杳靄望離宮雅量思裴令高懷  
憶謝公寧誇金谷麗不數玉津雄後樂江湖意無私造  
化功一陪東閣眺轉覺興無窮

內苑閱武

閩海初傳檄蠻荒乍廓清已欣文治洽復慶武功成歸  
馬

天王意銷鋒率土情六飛仍訓練九伐在師貞上苑商  
颯肅華林輦路平載修司馬法大簡羽林兵地擁龍蛇  
陣天開鷺鶴營戈鋌星錯落組練雪光晶突騎嫺穿札  
材官習射生翹關誇力健超距試身輕萬馬騰空疾雙  
雕飲羽驚先鞭稍月窟餘勇斬長鯨七萃威稜壯中權  
節制精指麾森在握開合靜無聲赫赫看荼火悠悠想  
旆旌勞軍卑細柳習戰陋昆明天討原無敵王師亦有  
征何煩虎旅奮直見鼎魚烹

帝用三驅禮人爲萬里城車攻能作頌吉甫嗣鴻名

滇南告捷

送  
開道南征將星馳定鬼方兇渠都殄掃逆孽總銷亡疊

天顏喜頻飛羽檄忙鷄行同拜舞虎旅競飛揚

帝道方全盛

皇圖正會昌如何紛醜類敢爾便披猖吠日愁猶犬當  
車笑怒螳六師徂烈烈九伐出堂堂授鉞 天威滿攻  
心 廟算長迅雷開嶺破竹剪蠻荒劉關雖兇狡隗  
囂敢陸梁鼎魚難假息穴蟻任潛藏飲馬乾滇海投鞭

截點蒼渠魁伏齊斧父老擁壺漿露布傳邛笈 綸音  
下建章普天休帶甲率土奠金湯歸馬文謨盛彘弓武  
烈張輕徭罷輪輓薄賦勸耕桑偉伐標麟閣元功紀太  
常出師還有頌常武共洋洋

從益都公游王大司馬園亭作

人生有情愛丘壑一官苦被風塵縛誰能買宅兼買山  
京都便有林泉樂宛平司馬今謝公安危繫望蒼牛同  
家傍日邊身未起東山只在青門中別墅蕭疎背城起  
重岡複磴紛迤邐如欹復偃雲際松欲瀉還淳谷間水  
何年驅石包山來疑是汴都艮嶽之餘材輦載歸燕幾



百歲土花洗出班班苔山堂結構何其佳天然位置非  
安排衆壑平臨鴈宕蓄一峰陡入仇池開臨胸相公興  
瀟灑閒攜賓從浮三雅朝行游眺暮忘歸詩成自上巖  
屏寫眼中物色思冶園冶園故在青齊野人生隨地足  
嘯歌何必吾廬始婆娑但願四海銷干戈廟堂無事優  
閒多一年百遍來經過

重九陳其年招同諸公登高分賦

峻嶒軍都山面城色蒼黧頗思登其巔泥飲過重九佳  
興雖蓬勃塵事終雜糅城南小龍湫勝地得名久臨深  
翻得高陂陀象岡阜招尋逐前輩欣會賴良友列雉拱

若環遙林俯如非，剝自金元鬻滯從。何代有泉凝枯葦，  
間葉颭清霜。後瞰窈洞沉深神，物藏蟻糾天。匪似過腰  
雲起欲埋肘，秋谷正妍華。萬彙無衰醜，佩萸紅滿囊。采  
菊香在手，一歲一重陽。晴雨忍相負，洒戶自爲朋。輸攻  
而墨守，徵杯捷雨風。隸事窮飛走，深更尋歸途。弦月掛  
林藪，欹眠白沙軟。側坐蒼苔厚，邸舍重飛觴。餘雨期抖  
擻去歲，登高人眼前。少誰某，明年幸同來。風日當佳否，  
莫羨車若流。無嗟馬如狗，戲馬與龍山。後人堪不朽，髯  
公示我詩。語健筆勢陡，欲和慚鴟夷。空仰覩甄口，無勞  
論世事。且可飲醇酒。

寄懷吳漢槎表兄

吾憐馮敬通時清遭抵斥吾哀虞仲翔才大翻淪謫當  
年旣蘭摧身後名何益咄嗟延陵生千載同此厄系本  
尚書孫門閥高東吳七歲叅玄文十歲賦京都竟體被  
芳蘭搖筆千驪珠凌顏而燦謝此才今則無白璧點蒼  
蠅俄然陷文網扁舟上急流一落失千丈如何瑚璉姿  
翻遣禦魍魎斗分失精英山川爲悽愴黑江天東頭君  
去東復東燭龍光不到雪片無春冬鄉關八千里鳥路  
不可通餐冰而掘鼠託命於沙蟲子卿十九年君今廿  
四載親朋半凋亡同生幾人在心同枯樹灰淚向霜風

灑一讀秋笳詩何人不悲慨我本半愁人轉逢念株根  
人琴有餘痛枕席多淚痕目斷柳城北心懸狼河濱練  
裙與皂帽一往同酸辛天心有迴環萬事多龍蠖夜郎  
豈長流連州終前濯蕩蕩天門開春陽熙廣漠早晚金  
鷄鳴佇望南飛鶴